


A *rub*a

A *nta*ño



Den ARUBA ANTAño...Difícil ta pa lubida y nenga e progreso di Aruba, den cual Lago tabatin un papel importante den esaki. Lago Oil & Transport Co.Ltd...difícil pa nos lubida y nenga cu e tabata e parti mas grandi den e progreso. Den e adelanto di nos hendenan; den e oportunidadnan duna na nos muchanan, cual awendia ta e hombernan cu sa carga responsabilidad pa cu nos comunidad. Trabao na escala grandi; awa pa nos hendenan di SanNicolas tempo cu no tabatin waterleiding; aprendizaje den diferente ramo di trabao. Tambe ta di menciona e cuido medico; hospital y dispensary; oportunidad pa yega na vivienda propio, anto sin e peso di hypotheek manera e ta actualmente cu e casnan di pueblo di FCCA. Esaki tabata e privilegio cu e empleadonan tabatin dor di e Home Building Foundation, unda cu tur dia di pago, tabata paga huur cu ta bai den un sistema di huurkoop pe cas. Den e tempo di antaño cu ta tambe e tempo di Lago unda tabata existi e sistema di spaar (Thrift Plan) y e plan vacacional (Vacation Plan) unda e compania ta pone\ e mesun tanto riba bo spaarmento. Y ainda tin cu no sa nada of ni sikiera a nace e tempo ey ta papia sin pensa riba Lago su baiamento for di Aruba. Den e década cuarenta pa cincuenta e tabata conta cu mas di ocho mil empleados. Tanto e empleado como su famia por a goza di bon cuido medico. Un X-Ray tabata costa F.1.50 y ora cu e señora bai hospital den Lago pa duna luz esaki tabata costa solamente F.15. Lago Vocational School a duna oportunidad na nos muchanan y di cual hopi di nan a bin bira instructor pa nos den diferente departamento. Ainda nos tin di corda riba e strea den e temporada di Pascu y Aña Nobo, y maske cu e strea no tey mas sus recuerdonan semper lo keda. Difícil ta pa lubida Lago tanto den e tempo di antaño como den e tempo presente.